



General Certificate of Secondary Education  
2012

---

## Stair

Aonad 2: An Cogadh Fuar 1945–1991

Ardsraith

[GHY22]

DÉ MÁIRT 12 MEITHEAMH, IARNÓIN

---

### AM

1 uair 15 nóiméad.

### TREOIR D'IARRTHÓIRÍ

Scríobh d'Uimhir Lárionaid agus d'Uimhir Iarrthóra ar an Leabhrán Freagraí atá ar fáil. Freagair **dhá** cheist: **gach** ceist i Roinn A agus ceist **amháin** as an rogha i Roinn B.

### EOLAS D'IARRTHÓIRÍ

Is é 50 an marc iomlán don pháipéar seo.

Measúnófar caighdeán na cumarsáide scríofa i **Roinn B**.

Léiríonn figiúirí idir lúibíní ar thaobh na lámhe deise de leathanaigh na marcanna atá ag dul do gach ceist nó do gach cuid de cheist.

Tá Leabhrán Áiseanna a bhaineann le Ceist 1 leis an pháipéar seo.

I gcás cheist 1, déan tagairt don ábhar foinse sa Leabhrán Áiseanna.

## Roinn A

### 1 Baineann an roinn seo le Cogadh Vítneam: Dúshláin do SAM.

(a) Déan staidéar ar **Foinse A**.

Cad é a chuireann **Foinse A** in iúl dúinn faoi dhearcthaí an tsaighdiúra seo ar na Vítneamaigh Thuaidh agus ar na Vítcongaigh?

[4]

(b) Déan staidéar ar **Foinse A** agus ar **Foinse B**.

Cá mhéad tacaíochta a thugann **Foinse B** do **Foinse A** maidir leis na fáthanna ar buadh ar SAM i gCogadh Vítneam?

[6]

(c) Déan staidéar ar **Foinse C**.

Cá húsáidí agus cá hiontaofa atá **Foinse C** do staraí atá ag déanamh staidéir ar dhearcthaí mhuintir Vítneam ar an chogadh?

[8]

(d) **Foinsí A, B agus C** agus **do chuid eolais féin** in úsáid agat, mínigh cad chuige a bhfuil dearcthaí difriúla ann maidir leis na fáthanna ar buadh ar SAM i gCogadh Vítneam.

[10]

## Roinn B

Freagair ceist **amháin** ón roinn seo.

### 2 Baineann an cheist seo leis an Chogadh Fhuar san Eoraip, 1945–1949.

Mínigh cad chuige a raibh APSS ag iarraidh smacht a fháil ar Oirthear na hEorpa i ndiaidh an Dara Cogadh Domhanda agus an dóigh ar fhreagair SAM do ghníomhartha APSS idir 1945 agus 1949.

Úsáid na treoirlínte seo a leanas agus eolas ábhartha ar bith eile le cuidiú leat an cheist a fhreagairt.

- Fáthanna a raibh APSS ag iarraidh smacht a fháil ar Oirthear na hEorpa
- Cruthú “an Chuirín Iarainn”
- Dúnghaois Truman agus Cúnamh Marshall
- Beirlín: Imshuí agus Aertharlú.

[22]

### 3 Baineann an cheist seo le Cogadh na Cóiré, 1950–1953.

Mínigh cad chuige a raibh baint ag SAM, ag an tSin agus ag APSS le Cogadh na Cóiré agus an ról a bhí ag gach ceann acu i gCogadh na Cóiré, 1950–1953.

Úsáid na treoirlínte seo a leanas agus eolas ábhartha ar bith eile le cuidiú leat an cheist a fhreagairt.

- Fáthanna le baint SAM sa Chóiré
- Fáthanna le baint APSS agus na Síne sa Chóiré
- Gníomhartha SAM i gCogadh na Cóiré
- Gníomhartha APSS agus na Síne i gCogadh na Cóiré.

[22]

### 4 Baineann an cheist seo le caidreamh APSS le hOirthear na hEorpa, 1956–1968.

Mínigh cén dóigh agus cad chuige ar choinnigh APSS smacht ar Oirthear na hEorpa idir 1956 agus 1968.

Úsáid na treoirlínte seo a leanas agus eolas ábhartha ar bith eile le cuidiú leat an cheist a fhreagairt.

- Imeachtaí san Ungáir, 1956
- Beirlín, 1958-1961
- An tSeicslóvaic, 1968
- Dúnghaois Brezhnev

[22]

Cuireadh isteach ar chead chun an t-ábhar cóipchirt uile a atáirgeadh.  
I gcásanna áirithe is féidir nár éirigh le CCEA teagmháil a dhéanamh le húinéirí cóipchirt agus beidh sé sásta na hadmhálacha sin a fágadh ar lár a chur ina gceart amach anseo ach é a chur ar an eolas.



*Rewarding Learning*

**General Certificate of Secondary Education  
2012**

---

## **Stair**

Aonad 2: An Cogadh Fuar 1945–1991

Bonnraith agus Ardsraith

**[GHY21] [GHY22]**

**DÉ MÁIRT 12 MEITHEAMH, IARNÓIN**

---

**LEABHRÁN  
ÁISEANNA**

## LEATHANACH BÁN

## **Cogadh Vítneam: Dúshláin do SAM**

### **Foinse A: Saighdiúir SA a bhí ag troid i Vítneam, ag labhairt i ndiaidh an chogaidh, nochtann sé na tuairimí aige ar na fáthanna ar buadh ar SAM**

Is dóigh liom go raibh na Vítneamaigh Thuaidh agus na Vítcongaigh róchliste dúinn. Chaill muid an cogadh mar gheall ar an diongbháilteacht acu. Bhí muidne níos láidre mar chumhacht mhíleata. Bhí traenáil níos fearr againn, bhí trealamh agus airm níos fearr againn ach ní ghéillfeadh siad choíche. Shíl na Vítcongaigh ar dtús gur thubaiste é lonsaí Tet, ach bhí dearcadh eile acu nuair a chonaic siad an dóigh ar freagraíodh dó sna Stáit Aontaithe. Thosaigh daoine i SAM a rá nach bhféadfaimis an cogadh a bhaint choíche. Shocraigh an tUachtarán nach seasfadh sé sa chéad toghchán eile. Tuigeadh do na Vítneamaigh Thuaidh agus do na Vítcongaigh ar an toirt ansin go bhféadfadh siad tabhairt ar na Meiriceánaigh iad féin a chloí.

### **Foinse B: Staráí nua-aimseartha ag scríobh faoi cad chuige ar chaill SAM an cogadh i Vítneam**

Ní mar gheall ar oirbheartaíocht chontráilte a buadh ar SAM ach cionn is go raibh sé ag tacú le rialtas nach raibh ach tacaíocht iontach beag i Vítneam Theas aige. Bhí an rialtas éillitheach agus cruálach. Chaith sé go han-dona leis na tuathánaigh Bhúdaíocha. Ní hamháin go raibh comhghuaillí lag ag SAM, bhí air dul i ngleic chomh maith le namhaid a bhí iontach láidir. Níor scata de threallochogaithe cosnochta iad na Vítcongaigh ach fórsa troda a fuair traenáil den scoth, a bhí daingean diongbháilte agus a raibh neart arm acu. D'éirigh leo ionróirí eachtrannacha a chloí roimhe sin agus bhí rún daingean acu go gcloífeadh siad SAM chomh maith. Ní ghéillfeadh siad choíche.

### **Foinse C: An Ginearál Giap, Ceannasaí Míleata ar an Arm Vítneamach Thuaidh, ag labhairt in 1967**

Agus trúpaí á gcur isteach i Vítneam ag Meiriceá, tá ar na hionróirí ó SA dul i ngleic le cogadh an phobail. Tá muintir Vítneam i ndiaidh teacht le chéile leis na hionsaitheoirí a throid ar dhóigh ar bith agus le gach cineál airm. Táimid sásta a bheith ag troid go ceann fiche bliain eile, go ceann céad bliain, fiú, a fhad a ghlacfaidh sé leis an bhua a fháil, beag beann ar gach rud eile.

*Foinse A: ó Everything We Had – An Oral History of the Vietnam War, A. Santoli, 1981 (arna chur in oiriúint)*

*Foinse B: ó America and the Vietnam War, G. J. DeGroot, 2000 (arna chur in oiriúint)*

*Foinse C: luaite in Modern World History GCSE, Christopher Culpin, 1998*

Cuireadh isteach ar chead chun an t-ábhar cóipchirt uile a atáirgeadh.  
I gcásanna áirithe is féidir nár éirigh le CCEA teagmháil a dhéanamh le húinéirí cóipchirt agus beidh sé sásta na hadmhálacha sin a fágadh ar lár a chur ina gceart amach anseo ach é a chur ar an eolas.